

Cacat tidak halang cemerlang SPM

KUALA TERENGGANU – Tokoh Kanak-kanak Sedunia 2016 kategori orang kurang upaya (OKU) merupakan pelajar cemerlang Calon Berkeperluan Khas (CBK) negeri menerusi SPM yang diumumkan, semalam.

Nur Syuhada Alias, dari Sekolah Menengah Kebangsaan (SMK) Bukit Besar, di sini, yang mengalami masalah penglihatan sejak lahir berjaya memperoleh 5A dalam peperiksaan itu sekali gus berjaya mengatasi 33 lagi calon CBK di Terengganu.

Anak kedua daripada empat beradik itu berkata, kekurangan diri bergelar OKU membakar semangatnya mencipta kejayaan bagi buktikan golongan kurang upaya sepertinya juga mampu berjaya dengan baik.

Ditanya cara belajar, anak kepada seorang kerani itu berkata, dia meluangkan masa selama dua jam sehari untuk mengulang kaji pelajaran, selain turut mengakui sering membaca al-Quran, berdoa dan melakukan solat hajat bagi menenangkan diri dalam menghadapi setiap cabaran sebagai seorang OKU.

“Saya selalu mengulang



Ibu dan ayah Nur Syuhada berkongsi kejayaan itu bersama-sama setelah diumumkan pelajar cemerlang CBK negeri pada Pengumuman Keputusan SPM itu semalam.

kaji pelajaran pada waktu malam dan meminta rakan-rakan membacakan nota kepada saya untuk saya menulisnya semula dalam bentuk Braille.

“Saya tinggal di asrama, guru dan rakan-rakan banyak membantu saya kerana cabaran buat saya apabila saya tidak dapat melihat apa yang guru aris perdana tulis pada papan putih ketika di dalam kelas,” katanya.

Menjadikan Profesor Datuk Dr Ismail Salleh yang juga senasib dengannya sebagai idola, Nur Syuhada me-

masang cita-cita menjadi seorang pendidik dan berhasrat menyambung pengajian di Universiti Perguruan Sultan Idris.

Nur Syuhada yang juga Johan Hafazan Kebangsaan 2016 itu turut memberi nasihat kepada mereka yang senasib dengannya supaya sentiasa menuntut ilmu.

“Walaupun tidak sempurna, kita tetap kena menuntut ilmu dan tak mustahil kita akan berjaya, jadikan kekurangan diri kita sebagai pembakar semangat untuk terus mencipta kejayaan,” katanya.